

定邊縣志

知縣黃 沛豐亭鑒定

縣丞江廷球惕齋檢校
典史宋 謙吉甫增輯

地理志卷一

前令戴元夔論曰普天之下莫非王土定邑自我

朝定鼎即列版圖何延榆綏舊志略而不載耶豈唐宋沒於西夏
勝朝又多兵火自古無傳之者耶夫漢時河內地皆為郡縣此亦
屬上郡地何不按籍稽耶蓋邊地既遠今古異名疆場多故文獻
無徵亦有難者余即身所經歷及故老傳聞聊記一二欲求詳備
難矣

定邊縣志

卷首

地理志 分野

五

定邊職業學校印

分野

延安郡禹貢雍州之域天文井鬼分野

按漢書地理志云自井十度至柳三度為鶉首於辰在未

為延之分野 天之一度為地一千九百餘里

春秋白翟所居秦上郡地漢曰翟國後魏曰東

夏州西魏曰延州隋唐曰延安郡宋改延安府由明迄

大清為延安府定邊隸焉

寰宇記云北方水位自河曲黃甫川西經榆林至寧夏鎮又西經
蘭州踰河至嘉峪關四千餘里得水位之半

郡志云凡星野之說可用於統部通志而不可用於州縣之志蓋
謹人事而應天象理所宜然至於蕞爾一隅未知當於天度幾許
而修志者輒引周漢國都強相附會非其質矣然沿習已久去之

或訝衆目故附載於此

疆域

定邑東界靖邊縣二道塘西界甘肅花馬池郭家庄南界甘肅環縣走馬城北界邊牆西南界甘肅靈州及環縣東南界保安縣金湯鎮東北西北皆邊牆東西廣一百八十五里南北廣二百九十里

縣冊東界靖邊縣一百六十里西界甘肅靈州花馬池二十五里南界甘肅環縣二百九十里東南界甘肅安化縣二百七十里北界邊牆一里共分十八塘路

郡志定邊東至寧塞堡靖邊縣界一百六十里西至花馬池寧夏

定邊縣志

卷首

地理志 疆域

六

定邊職業學校印

靈州界四十里南至鐵鞭城環縣界二百六十里北至邊牆一里東南至吳旗營靖邊縣界一百七十里西南至五個掌兒環縣界二百六十里東北至大邊一里西北至大邊一里東至府五百五十五里至西安布政司一千三百六十里

東至靖邊縣治二百三十里西至靈州治三百六十里西北至寧夏府治三百六十里東南至慶陽府治五百四十里

形勝

東接榆延西通甘涼南隣環慶北枕沙漠諸山拱於南村庄暮布龍沙繞於北廬帳星羅

聖天子德威遠播旃裘左衽莫不來王

仁皇帝鑾輅時巡瀚海流沙盡歸郵傳地則中外和耕市則彝夏交易斯又一統無外之盛亘古所未有也

定邊秦漢時北上郡地後魏大興郡西魏改五原郡兼西安州以近鹽改鹽州隋初廢煬帝置鹽川郡唐初為梁師都所據武德元年收復鹽州設都督府貞元二年沒吐蕃九年復城之領縣二曰五原白池宋咸平中陷於夏明置定邊營東四十里磚井堡又東五十里安邊營皆為宋鹽州地又南六十里新安邊營為宋夏州深河兒地東南四十里柳樹澗堡為宋夏州地定邊城西二十里鹽場堡又南一百里石澗寨為宋鹽州地東南六十里三山堡為宋鹽州三山兒地西南一百里新興堡及饒陽水堡皆宋夏州地

定邊縣志

卷首

地理志 山川 古蹟

七

定邊職業學校印

皇清因之而裁新安邊三山石澗新興饒陽水五堡併歸定邊營修築諸城堡雉堞崇隆規模宏遠誠足以鎮沙漠而懾西戎也蓋自明余子俊築為邊牆自黃甫川稍折而南自東至西又稍折而北乃至寧夏定邊各堡當東南一隅雄鎮套口尤為扼要延綏鎮志鎮西隣寧夏與花馬池接壤者定邊之鹽場堡也定邊轉而東磚井各堡皆依山臨塹倚險可守

山川 古蹟

南梁山在磚井城南三十五里周圍三十五里

郡志縣城東南六十里有冢嶺一名南梁山舊志在磚井堡南俗呼南梁山有洛水出焉

按滎洛豫州浸出冢嶺山在山在商州此特因洛水所出俗亦有其名耳

北極山在磚井城東南五十里周圍二十里

延綏舊志北極山與豕嶺相對一峯巋然望之若虬龍奮迅而上郡志北極山九十里有黃羊嶺在磚井堡南為要地稍西有鐫天嶺一百三十里有白雲山又東有桃林山又東有亂石山又南十里為紅萊山

鷹窩山在縣城東南八十里周圍二十里上有古樹有古戰場為宋范文正公遺蹟

羊圈山在縣城西南八十里周圍二十里最為高峻上有舊墩與靖邊縣之鎮靖堡榆延墩對峙宋時邊警烽火相望

將軍山在縣城南二百五十里鐵鞭城川北相傳邑之高將軍墓

定邊縣志

卷首

地理志 山川 古蹟

八

定邊職業學校印

此山

桃花山在安邊堡東南一百里周圍二十里

吳党山在柳樹澗堡西南一百里周圍三十里

烏龍山在鹽場堡南一百七十里周圍二十里

尖山在鹽場堡西南一百六十里周圍十五里

張家山在鹽場堡南二百二十五里周圍二十里

乾溝山在縣城南一百二十里鐵柱泉出焉夏雨驟至諸山之水會集於此挾土北流適當縣城土田藉以灌溉即成沃壤而民廬城郭亦恐遭漂沒則隄防為要也

嘉慶七年七月大雨乾溝水發湧溢縣城街衢深至三五尺城

垣廬舍致有傾壞查乾溝距縣城南二十里上接甘肅慶陽一帶通衢約長八九十里兩面皆山每於夏秋之間兩連水漲衆山之水悉滙茲口而出因近口灘地歷年水漫泥積盡成膏腴歲收倍於他處居民復慮水大有傷禾稼迎口接築東西兩牆迴繞二十餘里中留水道南山地勢較高是以每遇暴漲直走縣城履勘兩牆對立形如街巷中間水道與溝渠相類牆外阡陌相連萊穀青葱居然沃壤循牆抵口詳看情形口之下注牆之上游尚有東西兩灘皆可為受水之地若設法引水從兩岸出既不致北灌城垣又不致下溢兩牆以外之田禾誠為兩全無弊但決東牆而水東注由鄭家圈出邊牆外計長不逾十里

定邊縣志

卷首

地理志 山川 古蹟

九

定邊職業學校印

似於縣城風水不宜惟毀西牆引水西北出經由王來家灘及小巨家灘一帶沙窩繞廟兒塘韓家樓抵七墩灘出邊牆計長五六十里外曠野下隰之區毫無妨碍亦為受水之地須於口下迎築引水墻垣於城垣麓地均有裨益復集紳耆鄉約諮訪衆論欣然第念民情何常惟利是圖難保歷久不萌故志幸經前署知縣鄭永江稟明道府批准接署知縣誠安遵辦在案

洛河在縣城東南一百二十里自琉璃廟發源係黃水流入保安縣界傳云即洛之源然考水經注云出謹舉之山又云自鹿蹄山至元扈山通與謹舉為九山明一統志謂安化東北之山洛水出疑即此

郡志洛水出定邊縣西南山海經孟山西二百五十里曰白於之
山洛水出於其陽西南流注於渭周禮雍州其浸渭洛淮南子曰
洛出獵山按地形志富平有彰獵山即淮南之山也說文洛水出
左馮翊歸德北夷中東南入渭元和郡縣志洛源縣白於山在縣
北三里太平寰宇記洛幡縣白於山在縣北三十里今水出縣西
南琉璃廟石縫中廟西北有白露山疑即白於山也志家多以白
於山為在甘肅合水以出安化之洛水為正原按樂史言廢洛源
縣在慶州北二百七十里又曰華池縣縣在州東一百五十里本
漢歸德縣之地即洛源也今慶陽府唐宋慶州治自府東北一百
二十里已入定邊縣界廢洛源縣又在其北李吉甫說白於山又

定邊縣志

卷首

地理志 山川 古蹟

十

定邊職業學校印

在洛源縣北三里其山在定邊無疑洛水出此南人保安縣界靖
邊縣界又南逕安塞縣西又南入甘泉縣界又南歷鄜州洛川中
部宜君耀州白水縣同州府澄城朝邑諸縣境入河

今考洛河俗名白鷹河在縣城東南一百二十里琉璃廟水即

此河按此則郡志洛水出定邊縣西南疑西字誤人
白於山於字與白鷹河鷹字或亦語音傳訛琉璃廟下

游尚有東派水自安邊東屯孫克家嶮岷流出西派水自磚井
西路大河畔流出俱係黃水會合白鷹河經新安邊張千戶岔
流入保安縣界

石澇河今考即俗謂
頁河是也在縣城正南九十里清水自頁濠發源經鐵

鞭城流入張千戶岔

三山堡○在縣城西南一百二十里河西為甘肅靈州後衛地陝甘兩省以河分界係清水至高家灣子與石子兒河水合流入宏德城環縣界

石子兒河在縣城西南一百二十里自三山堡發源係清水經高家灣子五個掌兒赫城子流入宏德城環縣界

把都河在安邊堡東南五十五里自崔家集發源係黃水流入寧塞堡靖邊縣界

神水在縣城西南九十里三山塘高家小灣係乾砣磑一道平時無水冬至七九八九後水出流旺徵歲收豐稔潮溼水少徵歲收歉薄又水出早驗霜降早水出遲驗霜降遲相傳久遠土人屆時

定邊縣志

卷首

地理志 山川 古蹟

十一

定邊職業學校印

探視歷歷徵驗隣邑咸知之因名神水嘉慶十三年鄉民高進潮宋魁倡募捐資建立河神廟三間禪房二間大門一間前賽樓一座今每歲正月二十三日集祀

鹽池在鹽場堡北城外曰花馬大池

上有五池
詳載鹽法

郡志縣城西北有鹽池唐書地理志尚有胡落鹽池按長澤縣今屬靖邊界延綏鎮志原屬寧夏衛嘉靖九年總制王瓊改屬本衛池周圍三里許中有井引水溉畦一夕視之若積雪此九種之一也又其東尚有澇池鹽池鹽池水滷不可飲澇池水可飲堡人汲者便之又二池之西為寧夏境按食貨志池周圍十六里許按地理通釋漢於上郡龜茲縣置鹽官即此

海子即海眼在鹽池南

鐵柱泉在鹽場堡南

馬泉在縣城南沙地今淤

牛毛湖在縣城東邊外本沙地春月水從沙中出生牛毛草遂成湖灘至冬涸

忻都古城在安邊堡北套地漢時築城用兵後為赫連氏統萬城鹽州古城在縣之東南隅唐時築遺址尚存又縣之西北西南有大土墩二曰戰臺亦昔時築

牛營城在縣城南二十里近倉吉灣

鐵鞭城在縣城南二百四十里川東宋時築

定邊縣志

卷首

地理志 山川 古蹟

十一

定邊職業學校印

新寨兒在鐵鞭城川東山峁上

卧牛城在縣城南一百二十里城設川東山頂

半角城在縣城南二百里川東倚山築城山城各居其半故名半角

琵琶城在縣城南二百三十里川東

張家城在縣城南二百二十里琵琶城東城設山頂

手抱城在縣城南二百一十里張家城北城設山凹

黃花城在縣城東南二百里手抱城東北城設山頂

暮雨城俗名牧驢城在縣城南一百二十里城設川西河灣與卧牛城對峙

尤家城在暮雨城南數里川西今廢

鐵角城俗名跌脚城在縣城正南二百四十里川西宋時築南界
甘肅環縣走馬城

田百戶城在縣城南二百四十里川西是城與琵琶城鉄鞭城為
鼎足之勢故老相傳宋時有胡女姊妹三人分據循環援應范文
正公韓魏公平之

閻達城在縣城西南二百二十里田百戶城西

石家城在縣城西南二百二十里閻達城西

木瓜城在縣城西南二百五十里

舊城在縣城西南九十里近三山塘高家峁

定邊縣志

卷首

地理志 山川 古蹟

十三

定邊職業學校印

神堂賽在安邊堡西 歸德寨在安邊堡南 雞舌寨在安邊堡

西 骨勒寨在縣城西 土寨在縣城西北 以上五寨並見武備志疑皆宋時築

圈馬廠在張千戶岔河東宋時胡人韓昌圈馬於此圍牆尚存今

地屬靖邊縣轄

通濟橋在縣屬紅柳溝之西界甘肅靈州屬二道溝之東界係陝
甘通衢行人絡繹為要道焉此橋建造代年無可稽考乾隆五十
三年武生郭玳倡捐修造有碑記二嘉慶十六年玳子生員永崇
復倡捐重修

風俗

通志云人勤稼穡俗尚鬼神不事侈靡頗習法程

舊志云尚氣概先勇力

圖經云修習戰備高尚氣力以射獵為先名將多出

隋書云人性躁勁風習果決尚淳質好儉約喪祭冠婚畧近於禮
又曰近邊尚剛武

氣候論曰寒早而暑遲三月而冰未泮四月而草始萌麥成在夏
至之後霜降或仲秋之期盛暑不廢羔裘嚴寒必資土室延南如
中宜極邊如榆塞相去千里寒暑先後即相懸絕亦足以知邊民
之苦矣

歲時

定邑惟以元旦長至為重餘如常

定邊縣志

卷首

地理志 風俗

十四

定邊職業學校印

正月元旦前門貼春聯門神是日皆早起以黃表香燭敬事神及
祖禰並附近廟宇恭拜父母尊長放紙炮以代爆竹黎明閭里交
相拜賀至十五日街市遍張燈燭紙炮戲樂

二月朔三日文昌廟龍神廟有獻羊以祭者諺云開廟門

三月清明至期士女出外墓祭有於墓前飲食者

五月五日飲雄黃酒戴艾食米棗角黍十三日皆敬事

關帝獻牲

七月十五日亦有祭墓者有於田內掛五色小紙旛者曰田旛
八月十五日家皆以餅瓜菓焚香拜月亦有以餅瓜相饋遺者
九月九日有食糕者

十月初一日曰寒衣節至晚皆用紙捲紙錢焚於門外以送祖先亡者

十一月冬至節交相拜賀有以酒羹待客者至晚於門外焚紙鏹祀祖先諺云冬黃昏年半夜

十二月八日用米豆棗腐作粥亦有加肉於內者曰臘八粥二十三日之夜皆以糖祀灶神有用雞者除夕之前皆出外以紙錢祭墓燃一火堆至夕皆相拜賀曰辭歲有終夜設席備酒不眠者曰守歲

立春日縣署鞭春牛畢爭搶春牛土及牛身蓆片木頭攜回攔護喂牲口槽上謂牲口終年不起病

定邊縣志

卷首

地理志 歲時

十五

定邊職業學校印

郡志云乾隆二十五年正月地震沉睡者不知土人相慶曰歲轉豐矣先是歲屢歉是年後俱有收定邑俗傳亦如是遠無可稽近自嘉慶十四年後起連年歉收至十九年八月地震次年有收二十年九月復地震次年豐收可見邊地歲時之驗也